

Solidariziranje stanovništvom Bosne i Hercegovine sa

Međunarodna zajednica mora ostati fokusirana i angažirana u Bosni i Hercegovini i “solidarizirati se sa građanima ove zemlje”, rekao je juče visoki predstavnik Valentin Inzko.

Međunarodna zajednica mora zagovarati postratni sporazum, rekao je Inzko, “zbog toga što neki politički lideri nisu spremni vršiti ni osnovne funkcije vlasti, te zbog direktnog osporavanja Dejtonskog mirovnog sporazuma, Ustava i vladavine zakona.”

Visoki predstavnik se obratio akademskom osoblju i kreatorima politike na seminaru o miru u Bosni i Hercegovini održanom na Univerzitetu u Grazu.

Inzko je rekao da Dejtonski mirovni sporazum “otvara prostor u kojem se može organizirano graditi trajni mir, prostor u kojem se institucije države mogu razviti u funkcionalnu modernu demokratiju i raditi na pružanju sigurnosti i prosperiteta za građane,” ali da sam sporazum “ne može biti zamjena za ovakav dugotrajan proces, često pun izazova.”

“Osiguravajući poštivanje Daytonu i samim tim osiguravajući stabilnost, Ured visokog predstavnika obezbjeđuje okruženje u kojem EU i druge međunarodne organizacije mogu vršiti svoje mandate.” izjavio je Inzko.

Visoki predstavnik je naglasio da uprkos trenutnoj političkoj klimi, suštinska promjena usmjerava Bosnu i Hercegovinu u pravcu u kojem njeni građani žele da zemlja ide.

“Proces evroatlantske integracije – čak i pri sadašnjem tempu – mijenja društveno-političko tkivo Bosne i Hercegovine, kao

što je to učinjeno kod svake druge zemlje članice", rekao je Inzko. Dugoročno, "to će donijeti prevagu u korist progresivnih društvenih i političkih sila."

Tekst obraćanja visokog predstavnika dostupan je u cijelosti na [sljedećem linku](#).